

Mi Frayvrit Ting Dehn

Eena di Bileez Kriol langwij, yu wahn hyaa “frayvrit” fi di Kriol a di Ingish wod “favorite/ favourite.” Di fos Inglish spelin da Amerikan Inglish spelin ahn di sekan wan da British Inglish spelin a disya wod. Wel, eena Kriol, da mosi oanli pipl weh now ga lat a Inglish eena dehn Kriol taakin hoo wahn seh dis az “fayvrit.” Pipl tel wi seh dat di moas Kriol Kriol way da “**frayvrit**.” Bot, wicheva yoo seh, wat da sohn a fi yoo frayvrit ting dehn? Dehnya sentens da fahn di Kriol dikshineri:

frayvrit *adj.* favourite. **Dat da Saiman frayvrit sang.** That is Simon’s favourite song.

grong food *n.* ground food; any root vegetable or tuber type food. **Sweet pitayta ahn kasaava da mi frayvrit kain a grong food.** Sweet potato and cassava are my favourite kinds of ground food. *See:* **bred kain, grong bikl.**

lemanayd lemonade; a carbonated soft drink, locally produced and available in a variety of fruit flavours. **Red lemanayd da mi frayvrit saaf jrink.** Red lemonade is my favourite soft drink. *See:* **saaf jrink.**

schrech-mi-gots *n.* taffy made from the water of the young coconut. **Wen Ah mi smaal mi frayvrit sweet da-mi schrech-mi-gots.** When I was small my favourite candy was taffy.

sobjek *n.* subject. **Maakos frayvrit sobjek da skool da mats.** Marcus favourite subject at school is math. *See:* **tapik.**

taat *n.* tart. **Mai frayvrit dezert da kuknat taat.** My favourite dessert is coconut tart.
